

大方等大集菩薩念佛三昧分經

第四

九十九
伐四

47759




元祿九年丙子二月日重脩

皇圖聖圖 帝階級呂

佛日增輝 懋輪常轉

山城州天安寺法金剛院置



佛說大方等大集菩薩念佛三昧分經卷第四 伐

隋天竺三藏達磨笈多譯

神變品之餘

今時阿難復作是念彼尊者須菩提善修無
諍行於一切法已到彼岸有大威德具足神
通或能為是不思議變我今應當問其作不

時彼阿難如是念已即復白彼須菩提言大
德我親從佛聞如是說我諸聲聞大弟子中
解空第一則須菩提其人也是不思議大莊
嚴事將非大德之所作乎時須菩提答阿難
曰阿難世尊雖說我修無諍空行第一然是
神通非我能作所以者何我念一時入於三

昧如此三千大千世界弘廣若斯置一毛端
往來旋轉如陶家輪當尔之時無一衆生有
驚懼心亦不覺知己之所處阿難我念往昔
於如來前欲作如是大師子吼白言世尊如
此三千大千世界寬廣如是我能以口微氣
一吹皆令散滅復令其中所有衆生不驚不
迫無往來想阿難我於尔時在世尊前已曾
示現如是神通阿難我念一時復於佛前作
師子吼白言世尊我今能以如此三千大千
世間其間所有一切衆生皆悉安置一指節
端上至有頂然後還來住於本處令彼衆生
寂然無聲不相逼迫無往返想阿難我念一

時宴坐三昧見彼東方現前則有六萬諸佛
如是南西北方四維上下無量無邊百千世
界各有六萬諸佛世尊皆所未見今皆見知
阿難我於彼時住閻浮提以是定心復發神
力至須彌頂天帝釋邊撮取一掬栴檀末香
徃彼無量諸世界中供養向時亦說如來應
供等正覺彼彼世界諸衆生等皆悉明了見
我住是閻浮提界供養承事彼諸世尊知我
是此娑婆世界釋迦牟尼如來應供等正覺
聲聞大弟子上座須菩提於空無諍三昧門
中最第一者阿難我到如是神通彼岸具足
成就神通波羅蜜阿難今此衆中若天若人

若梵若魔若沙門婆羅門等於我所說尚有
疑心彼若能問我師世尊今在寂定自當證
知今時佛神力故於虛空中出大音聲命阿
難曰阿難如是如是如上座須菩提向師子
吼汝如是持時彼天人梵魔沙門婆羅門阿
修羅等見聞是已身毛皆豎發希有心得未
曾有作如是言甚爲希有實未曾覩如是大
事乃至世尊諸弟子等尚有如是勝妙神通
大威德力何況諸佛所有三昧神通境界而
可思量而可宣說今時尊者須菩提見諸世
間天人梵魔沙門婆羅門生希有已爲重現
此義以偈頌曰

我住禪定解脫門
我嘗曾於世尊所
我轉三千世界地
如彼陶輪無窮已
我嘗任於如來前
時彼衆生無損減
我以此界及衆生
乃至還下彼不覺
我曾入定觀東方
南西北方亦如是
又彼四維及上下
平等具相金色身

無諍三昧最第一
現神通力無有邊
一切令入毛道中
衆生安然不覺往
分散諸山及大地
以任如是神通門
皆置掌中入有頂
一切咸是斯神通
見彼六万諸世尊
六万如來無有闕
諸佛亦足六十千
我以天香而徧散

令彼衆生悉知見
亦令此界牟尼尊

我今作此師子吼

佛放大聲誡告曰

我滅衆生及我心

無諍空行無倫比

各言我有須菩提

聲聞禪中最第一

時衆若疑當問佛

如是阿難汝受持

乃至佛想無遺行

我實任此三摩提

大方等大集經菩薩念佛三昧分彌勒神通品第四

尔時彌勒菩薩作如是念今者世尊諸大聲

聞弟子衆輩有大威德具足神通各皆自陳

師子吼事如我今者亦應於此一切世間天

人梵魔沙門婆羅門諸大衆前少現菩薩神

通事耳時彼彌勒菩薩如是念已即告尊者

阿難曰我念昔曾於晨朝時著衣持鉢詣世尊所頂禮佛足白言世尊我今欲入此王舍城如法求食言已即行阿難我於今日復如斯念今於誰家初施食者我要當令其人先住阿耨多羅三藐三菩提然後方受斯人食也阿難我時念已即入大城次第乞食至一大姓婆羅門家於彼門下默然立住阿難時彼大姓施婆羅門知我乞食見我默住即告我言善來阿逸多聖者阿逸多今日何故自屈臨此其有所須願取我食阿難我即告彼婆羅門言大婆羅門汝今若能於阿耨多羅三藐三菩提種善根者然後乃當受汝施食

阿難時婆羅門即答我言仁今若能持此食
分徧奉十方恒河沙等一切諸如來應供等正
覺者然後我當發阿耨多羅三藐三菩提心
盡力勤修諸菩薩行所以者何我亦先於諸
如來所種彼一切諸善根故阿難我時復語
婆羅門言大婆羅門汝今必能建立斯志我
當受食分布供養恒沙如來阿羅訶三藐三
佛陀無有疑也時婆羅門復語我言聖者阿
逸多但受我食分張奉獻恒沙如來我便發
誓亦如誓行阿難我復語彼婆羅門言大婆
羅門汝今審能發如斯誓如誓行者我取汝
食分散供養恒沙如來阿難彼婆羅門乃至

三反要我供養我亦慇懃令其發心也阿難
我時如是與婆羅門反覆周旋相約束已然
後告彼婆羅門言大婆羅門如汝言者速將
食來吾當為汝分布供養恒沙卅尊阿難時
婆羅門聞我言已便授我食我既受已則於
其前如彈指頃分布供養恒沙如來阿難我
於今時分布彼食供養恒沙諸卅尊已然後
還彼婆羅門家阿難時婆羅門見我如是無
礙神通心生驚恠身毛皆豎然後歡喜踊躍
無量即持種種上妙飲食奉施於我勸我飽
食我時受已自恣食之彼婆羅門然後方持
一切珍寶一切諸香一切衆華一切華鬘一

切上妙諸瓔珞具與我相隨詣世尊所恭敬
合掌頂禮佛足即於佛前發阿耨多羅三藐
三菩提心復作是願其有衆生聞我施此搏
食善根皆即住於不退轉地世尊若我此願
必得成就阿耨多羅三藐三菩提者以此善
根令我未來成菩提時亦有如是無量無邊
諸聲聞衆皆是清淨大阿羅漢如今無異若
我此誓真實不虛者以是因緣令此三千大
千世界一切大地六種震動而彼大婆羅門
發是願時佛神力故應時此間三千大千世
界所有一切大地六種震動阿難今此衆中
若天若人於我此事生疑心者世尊出時應

當諮問阿難我今未成阿耨多羅三藐三菩提已具如是大威德力到於一切神通彼岸阿難我念往昔無量無邊阿僧祇劫有佛世尊号曰然燈如來應供等正覺出現世間我時於彼然燈佛前獲得如是一切菩薩念佛三昧得三昧已諸方所有一切諸佛現說法者彼諸出尊常現在前又我得此三昧門已即於無量無邊劫中以此神通教化無量無邊衆生悉令住於阿耨多羅三藐三菩提中猶如今者王舍城中大婆羅門阿難復念往昔於彼蓮華上如來應供等正覺所以一神通教化成熟彼三万億百千衆生皆令住於

阿耨多羅三藐三菩提中阿難我又曾於最
上不退轉行佛世尊所得一三昧名曰普明
得三昧已教化成熟六万八千欲界諸天皆
令發於阿耨多羅三藐三菩提心阿難當如
是知菩薩摩訶薩一切皆有不可思議大神
通力第一彼岸介時弥勒菩薩摩訶薩爲重
明此義而說頌曰
我曾晨朝整衣鉢
於是頂禮辭如來
大師如是誠我曰
我涅槃後汝成佛
阿難我時如是念

請問釋師教明行
世尊我今將來食
汝去當念利衆生
諸種功德皆圓滿
未知今往前食所

當於誰家初受食
我行乞食有所遇
以恭敬心稱善來
我今自悔仁來晚
大士妙法難思議
我時語彼婆羅門
利益天人及衆等
彼婆羅門復要我
以我此供恒沙尊
我便許彼婆羅門
吾以汝供奉諸佛
時婆羅門更誠誓

我應教令住菩提
遂逢大姓婆羅門
希有遠至阿逸多
惟願時坐受我食
我當奉上精美膳
汝能先發菩提意
然後我方受汝食
汝阿逸多今若能
如是我發菩提志
汝於菩提慎莫退
終令汝身獲大果
願為我奉諸如來

諸佛勝尊若受者
彼婆羅門信我言
我持彼供恒沙尊
彼既覩我大神通
供養我畢至佛所
時婆羅門發心已
若有菩薩得聞者
我昔在佛然燈前
彼名菩薩念諸佛
昔於然燈世尊所
我登得見十方佛
若人住此三昧中

我行菩提無疑惑
發誠至心授我食
令婆羅門須臾見
或驚或喜增珍饈
便發無上菩提心
復廣弘誓不思議
彼於世界速成佛
得此微妙勝三昧
能與妙樂難稱量
受此勝念三昧時
以彼威德故能覩
能現無邊諸神變

百僧祇劫諸所作
我於蓮華上佛所
滿足七万諸衆生
我又最上如來前
所得三昧實端正
我於最上行佛所
月上佛時住勝禪
阿難如是大神通
以此神通自在力
若人欲見諸世尊
欲拔衆生出苦海
尔時衆中梵魔沙門婆羅門天人阿修羅一

皆為利益諸衆生
得三昧故現神通
皆因我住菩提道
於彼精勤修梵行
能施深樂難稱量
受一三昧名普明
迦葉佛前獲深定
皆於往昔得成就
我所修見諸如來
欲轉無上妙法輪
是人應學斯妙定

切世間得聞弥勒菩薩摩訶薩師子吼時皆
大歡喜生竒特心歎未曾有

大方等大集經菩薩念佛三昧分歎佛妙音勝辯第五
尔時不空見菩薩摩訶薩觀諸大衆天人梵
魔沙門婆羅門諸龍夜叉軋閻婆阿修羅等
得未曾有生竒特心或時驚怖身毛皆豎見
是事故一心安詳從三昧起已即告尊者阿
難言大德善哉妙哉諸佛世尊甚爲希有甚
爲希有所以者何諸如來應供等正覺乃至
能有大慈大悲具足無量諸功德等阿難諸
如來應供等正覺能證如是阿耨多羅三藐
三菩提時覺一切法無有生故見一切法無

有作故知一切法不可得故然後於彼波羅
柰城古仙住處鹿苑林中三轉十二行無上
妙法輪而是法輪初未曾見一切世間若梵
若魔若天若人若沙門婆羅門有能如法為
斯轉者何等名為三轉法輪云何復稱十二
行也所謂此是苦此是集此苦滅此苦滅道
乃至此苦已知此集已斷此滅已證此道已
修是為三轉如是三轉得名為十二行也又
此為八聖道分是中有無量文字無量名句
無量語言無量義趣無量解釋然說斯義為
開示故為論義故為分別故為顯示深義故
為易知故為具足故時彼不空見菩薩摩訶

薩復告尊者阿難言阿難是故我言諸佛世
尊甚為希有諸如來應供等正覺有大慈悲
具足功德諸佛世尊既證得阿耨多羅三藐
三菩提已然後為諸聲聞眾等於彼無教法
中以教說故無言法中以言說故無相法中
以相說故無證得中教令證得彼法雖無語
言可說相貌可得而諸智者皆已覺悟諸賢
善人亦得證知諸阿羅漢咸得解脫於彼無
始生死中也復次阿難譬如有人持一束草言
欲堰塞恒河大流於意云何彼人如是其事
可乎阿難荅曰不也大士何以故彼人所作
世間本無何論可不不空見言如是阿難如

來應供等正覺為諸聲聞於無言法更以言
宣無名相中以名相說其事若此復次阿難
譬如有人本無口舌欲以一音徧諸世界咸
得聞知於意云何彼人所作其事可乎阿難
荅曰不也大士何以故彼人所作世間本無
何論可不空見言如是阿難如來應供等
正覺為諸聲聞無言說中更以言宣無名相
法以名相說其事亦尔復次阿難譬如有人
手持彩筆欲畫虛空望成文字於意云何彼
人所作可成就乎阿難荅曰不也大士彼人
所作世間亦無何問成不空見言如是阿
難如來應供等正覺為諸聲聞無言法中更

以言宣無名相法以名相說其事若此復次
阿難辟如有人先無手足呪術技能而大唱
言我能擔負須彌山王於意云何彼人所作
其可遂乎阿難答曰不也大士是人所作世
間既無何問可不空見言如是阿難如來
應供等正覺爲諸聲聞無言法中更以言宣
無名相法以名相說其義亦亦復次阿難亦
如有人至大海際或取一板或持小筏或欲
身涉或欲身浮廣施方便發如是言我度大
海登陟彼岸於意云何彼人所作爲可亦乎
阿難答言不也大士一切世間本無斯事何
云可不空見言如是阿難如來應供等正

覺為諸聲聞無言說中更以言宣無名相法
以名相說其義若此介時不空見菩薩摩訶
薩為重明此義以偈頌曰

諸佛大慈難思議

常以悲光照一切

於無量億那由劫

正覺如是深法門

諸法本性無生處

因緣集會往來空

無上天師雖善宣

然彼自性常寂滅

諸佛正法難稱量

世尊慈愛故宣演

能開如是難見法

利益世間諸天人

不可說法難值聞

十力雄猛能廣說

顯示最上清涼道

安隱世間天人眾

世尊巧說無相法

無師自然能覺知

破壞一切諸外道

諸佛智海難測量

一切聲聞同已證

如人把草塞恒河

正覺轉彼無生輪

若人手執五色筆

無語言中置語言

若人無手亦無足

無相法中轉相輪

若人無舌復無口

無證法中能令證

介時尊者不空見菩薩摩訶薩告阿難言尊

凡愚莫知此實際

宣說法界亦無盡

開示轉變不思議

尊者我謂不為難

我持此事難於彼

種種眾彩盡虛空

我持此事難於彼

求負須弥度大海

我謂此事難於彼

一音徧滿恒沙界

我謂斯事難於彼

我謂斯事難於彼

者諸佛如來應供等正覺甚為希有能於無
量阿僧祇劫覺了通達一切諸法究竟彼岸
号佛世尊然諸如來應供等正覺隨順衆生
諸根差別樂欲所應微妙圓音自然而出普
為宣說種種句門所謂若諸衆生樂行布施
如來則為讚說檀波羅蜜彼亦隨念世尊為

我宣說施法有諸衆生樂修禁戒如來則為
讚說尸波羅蜜彼復生念世尊為我宣說戒
法有時衆生樂行忍辱如來則為讚說羸提
波羅蜜彼亦生念世尊為我宣說忍法有時
衆生樂行精進如來則為讚說毗梨耶波羅
蜜彼亦生念世尊為我宣說精進或時衆生

樂習禪定如來則為讚說禪波羅蜜彼亦生
念世尊為我宣說禪法或時衆生樂求智慧
如來則為讚說般若波羅蜜彼亦生念世尊
為我宣說智慧或時衆生樂求解脫如來則
為讚說解脫彼亦生念世尊為我宣說解脫
或時衆生樂修解脫知見如來則為讚說解
脫知見彼亦生念世尊為我宣說解脫知見
或時衆生樂生天者如來則為讚說生天彼
亦生念世尊為我宣說生天有諸衆生樂修
無常如來則為讚說無常彼亦生念世尊為
我宣說無常有諸衆生樂修苦者如來則為
讚說衆苦彼亦生念世尊為我宣說苦法有

諸衆生樂修無我如來則爲讚說無我彼亦
生念世尊爲我宣無我法有諸衆生樂修空
寂如來則爲讚說空法彼亦生念世尊爲我
宣說空法有諸衆生樂修不淨如來則爲讚
說不淨彼亦生念世尊爲我宣說不淨有諸
衆生樂欲生天如來則爲說生天法彼亦生
念世尊爲我說生天法尊者乃至有諸衆生
樂種種法如來則爲說種種法彼亦生念世
尊爲我說種種法今時不空見菩薩欲重明
此義而說偈言

諸佛世尊具圓音
彼之意樂所欲聞

隨衆生類自然出
如來隨順說發起

或有衆生樂布施

或有衆生樂持戒

或有衆生樂忍辱

若彼衆生樂精進

或有衆生樂三昧

若彼衆生樂智慧

若彼衆生樂解脫

若彼衆生修無常

彼若樂聞苦不淨

彼若樂聞空無我

彼若樂聞緣覺乘

彼若樂聞諸佛乘

如來則爲讚檀度

如來復爲讚尸羅

如來則爲讚羸提

如來爲讚毗梨耶

如來則爲說禪定

如來則爲讚般若

如來亦爲讚解脫

即令聞彼無常法

亦令聞苦不淨音

不思議音讚空寂

世師妙音說緣覺

兩足尊讚菩提道

乃至彼樂生天宮

音中亦顯生天事

如是妙音難思議

隨諸類感便應現

彼等既聞清淨音

其誰不趣菩提道

尔時不空見菩薩摩訶薩復告尊者阿難言

阿難諸佛世尊殊特希有如來應供等正覺

能有如是熾然善根所以者何諸佛世尊從

久遠來乃能供養無量無邊過恒沙數諸如

來等又復常行施忍精進諸事所謂捐捨身

命頭目髓腦難作能作種種苦行調伏身心

然後方證阿耨多羅三藐三菩提證菩提已

則能具足無量辯才爲他說法云何辯才謂

不思議辯才無上辯才無勝辯才無取著辯

才妙解脫辯才無障礙辯才善和合辯才相
應辯才熾盛辯才無有問辯才豫知辯才作
相辯才無作相辯才靜默然辯才不怯弱辯
才除恚辯才種種文字莊嚴辯才種種詞句
莊嚴辯才義句莊嚴辯才甚深句莊嚴辯才
顯現深義辯才於深示淺易知辯才無邊辭

喻辯才捷疾辯才善決疑辯才成就無際辯
才能問辯才略問廣答辯才利益辯才無毀
辯才善思量辯才無蹇塞辯才無耻辱辯才
具足成就離謗辯才具足成就智人所讚辯
才具足無畏心辯才具足不狹劣辯才具足
不錯文句辯才具足不忘辯才具足無失辯

才具足隨心說法辯才具足知他至心為說
辯才具足開發無穢濁辯才具足莊嚴音句
能說辯才具足能說過去辯才具足能說未
來辯才具足能說現在辯才具足聖者辯才
具足知無生妙智辯才具足能令一切衆生
歡喜辯才亦時不空見菩薩摩訶薩重宣此
義而說偈言
能證無上道 供養最勝尊 無數無邊量
得彼難思辯 無害復無礙 無量亦無邊
和合解脫義 尊勝無上人 善說斷疑網
隨問皆能釋 種種深密教 及以諸譬喻
具足莊嚴辯 妙音難可量 清淨咸相應

決了法安任
不思無能壞
亦無懼畏心

妙音與智俱
不驚不毀損
無錯在嚴句

安樂無忘失
不惑於諸方
無滓致心淨

過去與當來
現在無罣礙
凡聖平等轉

辯才非他心
近遠同時聞
佛音說時出

海水可知量
毛滴可知數
諸佛大名稱

辯才難得邊
虛空可盡邊
須弥易稱量

無上天人師
辯才深難測

佛說大方等大集菩薩念佛三昧經卷第四 伐

窮窮字要我邀上音搏食上徒官反膳饌時扇反

同同馮塞上於建反下下小筏下音義義亦作排

羸提

上初

此初

慙弱

上音

苦劫

捷疾

上才

塞塞

上居

輦反

或作

陘劣

上侯

夾

名稱

下去

稱量

上平

大方等大集菩薩念佛三昧經第四卷

釋

伐

猪飼順良寄附

